

uno Giacomo de Andreis da Traù habbi il colmo di sali del che soleva aver il conto, e che non si fazi più il gabeloto, qual havia ducati 24 a l'anno e sia preso si fazi il gabeloto et i colmi di sali vengi in quella camera et il conto (qual non si vol andar e tanti hanno refudà) habbi in loco di colmi ducati 10 al mexe *ut in parte*.

Et sier Polo Donado e altri consieri, sier Zuan Antonio Contarini cao di XL et Savii, et quelli ai Ordeni nulla messeno, voleno la parte con questo sia fato gabeloto ditto Giacomo de Andreis etc. atento li meriti di soi passadi, e la lettera di darli tal officio fo fata a requisition di monsignor de Baius orator d.l re Christianissimo et di l'orator di Ungaria. Hor sier Gasparo Contarini consier si levò in piedi sul tribunal, disse i meriti di costui e non lo conosceva, et sier Gasparo Malipiero andò in renga, fe' lezer una parte che sotto gran pene proibisse a chi dimanda officii o grazie per vie di alcun orator, però non vol, havendo questo Giacomo hautò tal officio contra le leze, li sia dà *signanter* l'officio di gabeloto. Andò le parte . . . non sinceri, 18 di no, 58 dil Malipiero, 136 di Consieri, et altri nominati, et quella dil Malipiero andò zoso. *Iterum* balotà sola quella di sier Polo Donado e altri fu presa. Ave 180, 32, 11.

Fu posto per li Savi tutti, atento il muro di Dulzigno sia caseado, sia preso che'l ditto muro sia refato, però li sia mandato de qui ducati 100 di bagatini, et toi de li ducati 50 dil clero, et 50 dil clero da Cataro, e tutti questi denari spendi il conte in ditta refazion di le mure cascade, nè in altro sotto pena di furanti. Fu presa. Ave

Fu leto una suplica di sier Stephano Malipiero, di sier Alvise Balbi, di sier Bernardo *olim* patroni di le galie di Alessandria: narra i loro infortuni, esser stà retenuti tanto de li, et haver convenuto cargar in lochi devedadi, li nollì di qual è di l' Arsenal per le leze, dimandano li sia dati ditti nollì etc. Fu posto per tutto il Collegio, excepto li cazadi, darli il quarto di nollì di le robe cargate in lochi devedadi e li tre quarti siano de l' Arsenal nostro come vuol le leze. Fu presa Ave

Fu poi leto una suplication di una Margarita fo fia dil conte Mechara morto a nostro servizio, et posto per tutto il Collegio darli provlision ducati 2 per paga alla camera di Vicenza a page 8 a l'anno. Ave 208, 10, 3.

Fu posto, per tutto il Collegio, havendo dil prestà a Corfù, il qu. domino Alessandro di Gotti ducati 250 a sier Alvise Darmer *olim*

baylo de li per li bisogni publici, et come apar per la fede di Corfù mai li è stà restituiti, però sia preso che a li heredi dil ditto li siano dati li ducati 250 in questo modo: ducati 10 al mexe a la camera di Vizenza. Fu presa. Ave

Fu posto per li Savii, excepto per sier Francesco Donado el cavalier, una parte molto longa zercha il mestier di fostagni a la qual mi riporto, et posto un ordine al ditto mestier. Ave 160, 8, 14. Fu presa.

Fu posto per li una parte che a Zuan Batista da Castro citadin di Caodistria et di Pyran

Fu leto una parte di ordine di avogadori che tutti di Collegio vadino vestidi di color.

Vene lettere dil capitano zeneral da mar, et di Corfù, qual forono lete et è scritte di sopra, et di Candia.

Fu fato il scrutinio di Savii di Collegio, il qual è questo qui sottoscritto:

3 Savii dil Conseio.

Sier Hironimo da cha' da Pexaro, fo capitano zeneral di mar, qu. sier Beneto procurator	96.134
Sier Marco Foscarei fo ambasciator al Summo Pontefice, qu. sier Zuanne	91.143
Sier Piero Lando, fo capitano zeneral di mar, qu. sier Zuanne	142. 97
† Lunardo Emo, fo savio dil Conseio, qu. sier Zuan el cavalier	155. 80
† Sier Daniel Renier, fo savio dil Conseio, qu. Costantin	166. 70
† Sier Domenego Trivixan el cavalier, procurator fo savio dil Conseio	213. 17

3 Savii Terra ferma.

Sier Andrea Diedo qu. sier Antonio	122.111
Sier Mathio Dandolo fo savio a Terra ferma di sier Marco, dottor, cavalier	136. 97
Sier Marco Antonio Grimani, è di regadi, di sier Francesco	121.114
Sier Zuan Francesco Badoer, fo savio a Terra ferma, di sier Giacomo	134.103
Sier Francesco Lippomano, fo proveditor sora i officii, qu. sier Zuanne	122.116
Sier Francesco Contarini, fo savio a Terra ferma, qu. sier Zaccaria el cavalier	141. 83